

小
匏
庵
詩
存

小匏庵詩序

往時曾文正師嘗與余言 國家三載一開科得舉人進士如
千人其外任封疆內躋卿貳者每科必有之但有多寡耳至於
文章行世箸述傳後者或一科無一人焉或數科無一人焉殆
所難者在此不在彼乎余初聞斯言笑而不信也旣而思之余
自道光十七年應丁酉科鄉試廝名副榜越七年至甲辰 恩
科而舉於鄉又越六年至庚戌科而成進士中間先兄壬甫太
守又於癸卯科領鄉薦余於此四科者皆得稱同歲生約而計
之殆不下四千人矣其外任封疆內躋卿貳者指不勝屈而求
如文正所言文章行世箸述傳後者果幾人歟文正難易之說
或者其信乎雖蓄此說不敢聞於人乃今以序牧騶吳君之詩
君固先兄壬甫癸卯同年也後余一科而成進士入詞林改官

滇南由縣令陟郡守權觀察使是時滇事方棘使君得竟其用
屏藩節鉞安知不在指顧間歟乃之官未久卽引疾而歸歸而
徜徉於鴛湖烟水中以文字自娛手定其詩曰小匏庵詩存六
卷刻以行世而問序於余余讀其詩蓋滇中之作居其大半憂
時感事之作與夫採風問俗之詞所謂詩史者也雖至高卧鄉
山而念大難之初平憫瘡痍之未復所作新樂府諸章沈著則
老杜也條暢則香山也異乎世之妃青儷白以爲工者嗚呼是
可傳矣使文正之言而信則此六卷詩亦足自豪視世之高牙
大齟者果孰難而孰易也哉余因序君之詩而有感於文正之
言惜文正已騎箕天上不及以君之詩而一質之也光緒己卯
四月德清俞樾撰

小匏庵詩序

吳牧騶觀察爲余壬子同年詩有幽燕壯士氣酣歌擊筑旁若無人及由庶常散館改官滇南從秦蜀入黔以達昆明水天躍馬壯遊萬里所過多名都邊徼阻隘形勝之地山川崎嶇僕馬瘡痍登臨弔古或興感時事抑塞不平之氣一發於詩故其音節蒼涼波瀾老成與古作者韻頗愈唱愈高昔龍門子長足跡遍天下而文氣奇宕張燕公謫岳州詩逾悽惋子美入蜀東坡鳳翔諸作並奇峭恣肆則信乎江山之助而君之爲詩人殆又天巧相位置而非會逢其適也所至有政聲旣而擢太守備兵迤東稍稍得展其抱負當是時粵賊毒痛南服捻回搖蕩中原滇池亦棘回患宇內雲擾風聲鶴唳哀鴻磔鼠雜然紛接於耳目雖蘭成之哀江南孝穆之念家室漫叟之示官吏少陵之慨

兵間殆無以過當事方亟倚重而君遽思蓴菜鱸魚則又取道黔蜀下楚入汴而歸向之所爲稱亂者漸次削平瘡痍未復憂世憤盈蓋出入十餘年往返二萬餘里詩已哀然成帙矣掌教永郡移居魏塘脩然自適溫然與人交庶幾襲美魯望司空表聖之流其必以詩傳無疑也余藩浙之明年君持小匏庵集六卷見示屬爲評定受而讀之古體長於諷諭樂府尤勝近體七言源出大厯十子復善學山谷韻采在臥子梅村之間至於五言瓣香工部風調清深格律適上開闔動宕漸近自然不知視曝書亭爲何如絕句時有神韻得唐人三昧覃思孤詣具見匠心彼率爾操觚者固當望而卻走奚啻作三舍避哉余豈敢任定文之責爰辭不獲則因君之詩以求君之爲人因君之涉歷以論君之詩倘亦得其梗概云爾光緒丁丑十月朔年愚弟古

鄒衛榮光拜撰

題詞

大著思清筆健理勝詞腴復有溫厚篤雅之致幽衍雋永之味
工力兼到美善備臻金陀園懷古四章尤覺遠接玉溪近攀漁
洋斷非時流所能夢及至於滇中諸咏皆能得長慶集樂府之
神不僅文潛一派也莊誦數十過頓覺窗几間留金石聲益中
綠萼梅栩栩欲動可謂韻致矣己未正月十二日識於滇南五
華試院之補巢泰州和甫吳存義

小匏庵集諸體咸備蓋多師以爲師者而溯厥歸墟大抵本溫
李之麗情兼范陸之別致而又參之新城秀水以極其神韻漱
其英華故秀骨天成絕無塵瑱近時作者未能或之先也昆明
菊君孫清元

捧讀全集清麗芊眠中丰骨仍復不減此詩家正則也五七古

渾成深厚典雅端莊尤擅勝場鄙性亦耽吟咏對此天人并到
真不啻小巫之見大巫也孝感仲山熊家彥

盟誦大箸涵泳數過婉折深秀渾然天成五七言今體與玉溪
生沆瀣一氣其次者亦原本於竹垞氏不愧爲鄉先輩嗣音古
體要眇處儼然以浣花一叟自命深厚質直能得少陵之滴髓
傳非虎賁中郎之似也近來譚藝繆鑿風雅荆榛卽有一二耽
於吟詠者亦不過拈紅鬪紫弄月吟風雕琢字句以矜工巧奚
當於三百篇之旨哉作者游慈邊陲憑弔兵燹處憂患而不生
怨誹紀風土而不涉浮夸回旣倒之狂瀾作後賢之津筏其有
裨於人心世道非淺抄矣綴墨數行以志傾倒同治四年歲次
乙丑如月甲戌日陽湖秋史湯成彥

小匏庵詩存目錄

卷一

古近體詩一百十三首

卷二

古近體詩一百十九首

卷三

古近體詩一百四十八首

附一首

卷四

古近體詩一百四十八首

卷五

古近體詩一百三十首

卷六

古今類詩存目金
古近體詩一百十七首

卷末

附存集杜詩二十三首集蘭亭序詩七首

小匏庵詩存卷第一

嘉興 吳仰賢 牧騶

謁陸清獻公祠

勝國丁陽九東林道不昌
甘陵搜部黨端禮榜朝堂
拾燼餘灰冷爭鳴瓦釜狂

聖朝復元古正誼暴秋陽
一老應期出斯文賴有光
微言紹濂洛真脈訂劉念黃石齋圖史非干祿科名動上方
儒爲鄒魯大吏是漢唐
良末俗輕爲縣先生獨守綱
觀風酌奢儉布政劑柔剛
蕩蕩天門啟戔戔柱史揚
恥懸懲惡棒時整上書囊
道大憎多口時清遂故鄉
名山豈初念吾黨獲周行
堂啟三魚瑞經摧五鹿鉉
河汾官不達夾漈志尤長
白髮朝端重青編海內藏
門人悲伯起

天子問馮唐廡祀尊儒席芳隣近墨莊泐湖秋水閣風幔桂花
香蠹簡仍容撫龍門不可望忠宣有祠廟千載足相當

小樂府四首

太史簡

杵無君臣有弟有賊不討臣所恥臣職載筆敢畏死風泱泱水
湯湯水枯石爛塵飛揚此簡壽與東海長

董狐筆

君癸吼臣癸鬥兩癸相逐不如臣癸驟彼癸雖猛尙可當臺上
之丸亦莫能傷咄咄董狐筆底有飛霜夏日逢爾無晶光

張良椎

刺客死有力士兵器毀鐵椎起奮椎欲碎祖龍首可惜祖龍脫
兔走首未碎膽已寒六國並起來助韓君不見劉季劍陳勝竿

蘇武節

朝爲持節使暮作牧羝兒願主千萬壽謁主或有時年年歲歲
北風怒持節歸來節如故阿母已死烏莫哺白頭哭拜茂陵樹

飲田家

野老歡迎客行行陌上遲瓜壺香晚圃雞犬樂清時春色牀頭
漉長腰屋角炊呼兒纜歸艇夜話更相期

煙雨樓納涼

炎夏意不適命儔訪水寺湖樓峙中流輕舟纜階次喬木交午
陰微風蕩花氣僧開青豆房坐我清涼地南矚苕村長北眺杉
關翠來帆凌煙霏去棹入荷菱軒臺疲累陟隄磴恣躑跂旣容
阮藉狂不礙山簡醉須與月東出隣船起清吹

西水驛謁鄂王祠

綽楔旌忠大字墓

帝賜額曰顯忠

靈旗照水似西湖秋花豔

蓑宏血

祠中雞冠花紅於他處

玉座寒森溫序鬢櫝底尙藏高廟敕

宋高宗手

階前未鑄佞臣軀

年年家祭陳銅爵慰得黃龍痛飲無

王孫鄂侯所製今藏祠內

影僧柱

在西水驛石坊上相傳明季土兵掠婦女扇閉寺內某

僧俟渠長出憐而放之歸則大怒縛僧石柱上攢射死

之血沁石上如僧狀至今不滅值陰雨尤顯

佛法神通能伏虎豺狼胡然踞殿廡齋房閉置千蛾眉粉怨珠

啼淚如雨橫行柰此羣小兒惜少夫人百道乳老僧擲杖哀無

辜手撼銅鋪亟排戶盡揮嬌鳥出樊籠酋帥歸來大叫怒豐干

饒舌死何辭束縛高懸華表柱萬鏃激射攢蝟毛石破天驚血

肉舞尸陀變相真怖人宛結趺跏影可撫恨碧千年耿不磨頂
上圓光爛如許吁嗟乎睢陽齒南八指同此血枕不怕死成佛
作祖與生天總是人間血性子

金陀園懷古

三字奇冤慘顛天摩挲祖硯泣遺編中原馬角燕丹夢一棹鴟
夷范蠡船南渡衣冠支半壁東山絲竹遺殘年蕭森宰樹西冷
上落日寒煙望墓田

勸農冠蓋列洲汀別墅城西構竹亭月落小池天水碧春歸老
樹太師青幾聞將相談恢復一臥田園任醉醒桂子荷花無恙
在耆卿舊曲不堪聽

細柳新蒲汴水旁銅駝荆棘話滄桑樊樓夜雨夢梁錄良嶽西
風花石綱玉楮吟成琴調苦銀瓶墮後井泥香六陵魚鼈人間

出幾樹冬青易斷腸

曹公橫槊寄豪情倦圃新開竹石清異代詩孫配初祖一時酒
社偏名卿庾園亂後黃塵隔江令歸來白髮盈拂水定山游禊
地可憐都作褚淵生

偕玖筠七弟避亂武康

時道光壬寅
庚夷內犯

青山一桁引湖光柔艣聲中下武康十丈危橋編竹輦千家黔
突焙茶香南朝曲記前溪舞東野詩吟游子裳更有洞天誇白
石閒雲孤鶩落橫塘

縣無城郭繞邨居小市喧呼但賣魚馨冷官如蕭寺佛地貧士
讀越人書遺民愛說防風孝縣爲古防風國至今居民祠祀甚
虔且謂防風之戮以母病失期會
忠孝不能兩全云云雖附會
可笑猶見土人私愛其主也羈客遙愁舊雨疏回首由拳烽未
息對牀夜話月窺廬

山中聞笛

明月流空山林間
奮哀笛窈窕思美人
音響亦何激遠引乍悠揚
代轉忽凌轢鬱勃洩沈憂
貽蕩宣餘戚悲泉下潺潺
衰林振析析無情尙感觸
志士益慘惕盛年臥雲壑
中夜起呵壁雜奏易爲歡
孤音悵誰適褰裳求同調
遙岑阻良覲緬懷柯亭椽
行坐爲歎息

題文後山

鼎

扇頭畫舞蛟石

千歲虎魚化爲蛟
眼棱眈眈頭尾交
不知何年謫下成頑石
乃在太僕祠前之堂坳
枯藤絡危脊斑駁沒青蛟
賦形狡獪不可寫
誰能塗抹調松膠
衡山後裔老畫客
乃向扇頭窮刻畫
只如馬遠一角山
縮筆何嫌眼界窄
吾聞僧繇好畫龍
往往破壁飛遙空
況今出入懷袖中
會見兩腋生清風
不用入招涼館亦不

用入廣寒宮但將此扇一揮霍寒雨陡從天半落滿屋陰森類
邱壑

舟過長安壩

上湖與下湖中隔如蜀隴單隄築土成高阜囊沙壅分水閘坂
懸截流鐵鎖重檣帆兩相望檣楫那得擁陸地忽行舟勑智誰
作俑架木岬東西屹若雙闕拱圓機輓轡施長繩綏轡總夜半
艇子來千百相接踵攘臂競先登裹足不敢踊張燈喚役夫赤
腳來何勇手擲青絲紮組織自膠輦船作鷁退飛舵尾緊相攏
百丈牽兩頭馭豈朽索恐尙僂腰環環邪許聲洶洶緩若蹋磨
牛屏氣扇是捧急若追風駒縱步塵忽墮九折坂路艱七盤嶺
勢聳泥溜澀不前沃水呼斗桶三刻爭踰溝四顧喜登壟初如
許虎癡倒曳牛使動繼若蜀五丁怒拔蛇出孔逆上得寸遲過

險相視竦俄頃臨懸崖輕便出破塚流丸止區與瀉地走鉛汞
一落十丈強濤聲驚傾洞進退難易殊下流慎闕茸吾才上水
船空慙髮總總呼僕整茶鐺燒燭檢書籠反側夢不成榜歌雜
囉噴何如騎寒驢亂山任倥傯

孤山謁林處士墓

封禪書羞上湖山性所耽水仙應配食彌勒可同龕金粟道人
墓梅花和尙庵高風有繼起弔古一停驂

謁表忠觀

已埽偏安局仍開節度祠湖山畱故土毛髮動英姿潮落江干
靜花開陌上遲遺民十四郡笳吹拜靈旗

游海昌陳園

遠尋王謝舊時堂自笑身如燕子忙丙舍孫依通德里午橋人

小景屏詩有卷一
五
指相公莊塵封壞閣無行馬草長頽垣有牧羊老樹百年同守
吏翠華親見幸山房

招提

招提遠塵市整屐一追尋僧比老農拙水環茅屋深暖風浮麥
氣遲日轉松陰寂坐蒲團久茶香清道心

江口

歷歷山椒樹舒舒舵尾旗江空秋月大風定夜潮遲津鼓鳴瓜
步漁舟唱竹枝明朝須早渡夢想掛帆馳

梅花嶺弔史閣部

松柏平陵弔義公當年國事誤狂童高黃可識調停苦馬阮虛
爭擁戴功生不簽名降表裏死惟灑淚訣書中
聖明特許刊遺札大義春秋賴教忠

鄒縣謁孟廟

楊墨方橫議天心屬主持大功神禹配正學仲尼師祠卜三遷
舊書看百子卑如何嗜奇客只訪嶧山碑

冠冕行

道光戊申秋野冕千百爲羣自北飛來絡繹不絕所過
地方食田禾幾盡明年夏浙西大水蓋禽鳥得氣之先
故能隔歲示兆按方勺泊宅編載方言云齊魯之間凡
物盛多謂之冠註云今江東有小冕其多無數俗謂冠
冕陸龜蒙集有禽暴一篇正爲野冕害稼而作因作冠
冕行

野冕戀菰蒲不識謀稻粱何爲棄汝巨浸冠我鄉我鄉禾熟將
登場今夏旱潦苦交作猶幸高下田無蝗汝冕一朝率醜類大

肆蠶食何猖狂老農拍手救不得持竿遠逐走且僵南邨飽啖
北邨徙穰穰鼓翅爭高翔爭高翔莫浪喜前有銳頭兒腰間挾
弓矢又張網與矰伺隙深樹裏汝腹一飽能幾何汝羽一鍛辭
烟波明朝縮頸臥湯鑊那能還汝江湖樂

禾郡大水紀災

道光廿九載五月歲己酉梅炎蒸溼土大雨晝昏黝始驚震檐
牙繼若決海口漲添一丈高霖過三日久牀下徙螻蟻離邊溺
雞狗怒蛙踞竈觚跳蝦游炊臼開門白漫漫街衢了無有連亘
撐浮橋竹木雜枯朽轉側憂有聲行人偃偻走遙望郭外田波
浪勢何陡若四海五湖浩蕩地難負稍辨西北樓盡失東南畝
是時及分秧分秧芒種後耘耔尙未蒱萬頃長芹茹亟思諄狂
瀾築隄集儕耦千夫畚泥沙百夫伐檉柳類勇士赴敵攘臂各

赳赳息壤陘洪水一潰終難守邨中諸父老入訴縣父母縣令

亦無策祈禱望木偶毒龍氣方驕百靈不執咎平時催科吏持

符肆哮吼今日利復怨一闕誰指喉藏匿鼠不如堂室遭擊掊

戕戕少司空令望吾鄉首沈鼎甫侍郎寄書中丞公吳甄甫先生大

呼乞援手郡中百萬戶衾裯易升斗過糴自守計所見等啁噍

移粟古良規廬揚產米藪放稅請諸朝毋掣商賈肘中丞愷

悌人報書比瓊玖即日三薰沐陳疏籲我后曰臣實無狀溺

職顏有忸德薄召灾戾義當聽彈糾古今救荒策利弊待分剖

伏望簡賢僚臣愚讓印綬天子降明詔字嚴意何厚春秋

責備辭大義詰可否時中丞遇災恐懼上疏自効求罷奉旨切責朝退告司戴白金

出簾簾黃封重馬來發賑泣童叟我師朱邑儔文章古歐九朱

之師時慷慨任其事戒勿積習狃同官得江統真摯無出右江

樵先生時
令秀水

青鞵走窮鄉疾苦問耆耆博濟自古難餘資貸殷阜

見義孰勇爲姚丈吾執友

笛秋

萬緡首一擲餘子各抖擻窮戶

有等差標識某邨某按籍授之糧若網挈網紐五日錢一囊十日粟一缶里胥或侵漁道旁立械杻所冀種春麥明歲獲飯糗我鄉本澤國萬派共翕受洩水在疏通速拔觚與鬲諸公好善心充類意不苟丹藥起疲癯黃口代穀穀以此免流離未覺故里醜腐儒坐漏牀憂時廢飲酒魚蝦賤如泥勝食庾郎韭爲續皮陸詩哀響振戶牖

襲美魯望有苦雨
唱和詩各百韻

淮陰釣臺歌

三尺劒泗上起能斬道旁蛇不擊宮中雉秦鹿旣斃楚猴死雉雛宮中大風止定陶美人變作黿何況淮陰功狗耳淮水去迢迢西流跨下橋橋下少年尙垂釣見我擲竿把臂笑登臺呼酒

酌韓侯拔劍四顧心中愁韓侯韓侯爾何生死總寄女子手一
厄南昌亭長妻再厄泗上亭長婦千古傷心彼婦口我今哀歌
淚盈缶識英雄者誰一漂母

庚戌春闈被放偕同人小飲

李白得名非進士衛青不貴亦常奴眼中無限雞蟲事一笑相
攜就酒鱸

望夷宮

望夷宮中鼠變虎手刃一主易一主漢十常侍不足數嬰起一
擊若腐鼠羣奸斂手暗無語四十六日爭幾何手持璽綬項係
組天寶亡秦何責汝嗚呼亡秦者胡非子嬰嬰亦有才能用武
不然降作安樂公何足重汚項王斧

臺城

同泰金錢等鹿臺壽陽白馬一朝來蕭郎忍把江南捨更有何人贖得回

石敬瑭

石郎爾何爲不作唐家婿願作可汗兒可汗勅兒作皇帝兒前上壽割幽薊明年翁怒索戰來新婦持孫哭蕭寺吁嗟乎江山如此付兒戲作兒何如作婿易作婿還爾節度使

齊宮

錦褥綠屨那知愁射雉場開接御溝殿上笙歌猶待曉堂前楊柳已驚秋玉環早自忘高廟璇室何勞祀蔣侯何喜當鱸潘市令琵琶不抱去灣頭

陳宮

王氣俄收三百年妖禽啼斷蔣山前樓船莫決將軍策酒座仍

飛狎客箋一虎突摩江上壘六龍迴幸井中天可憐袖底東封表老向楊家乞備員

隋宮

呼韓稽首百蠻通顧盼居然蓋代雄鐘簴不延秦二世樓臺直駕漢諸宮河汾老去遺書在遼海歸來大業終千載刊溝舟楫利無人解頌阿婆功

文選樓

蘭陵家世愛操觚按轡龍樓問典謨蕭相圖書南渡在梁園賓客北朝無斯文幸免青絲劫大業終虛赤伏符古寺舊傳四百六貝經零落賸寒蕪

籌邊樓

烽連南詔蜀人愁使節西來控上游劔外詩情一品集壁間圖

畫萬山秋款關行賁蒲梢馬秉軸偏逢閣道牛落日鵲啼無限
淚登高何處望崖州

半間堂

手勅還朝泣挽衣甘泉從此奏書稀全軍痛哭樊城戰上相笙
歌葛嶺歸誰指黃龍籌北伐忽驚白鴈已南飛千秋蟋蟀聲如
舊啼徧吳山草不肥

鈴山堂

十年巖谷託名流季子書成出宦游空以青詞干北闕屢持黃
紙問東樓無刑可懾椒山膽有藥難醫沈鍊頭冷落終南一條
徑猿啼鶴怨幾春秋

大興宛平兩縣應京兆試者半非土著時嚴攻冒籍有捷
南宮而不得應 殿試者詩以諷之

炎漢西都建策初曾遷豪傑入關居如何四海同文日輦下猶聞逕客書

挽林文忠公

海內蒼生望如公有幾人安危宣力地生死救時身往歲巡交廣陽侯起戰塵漏卮朝議惜禁網島夷嘆勝算無全寇餘氛震四隣蜚言撓卽墨直道忤平津遂有輪臺遣難容魏闕陳置屯充國老出塞伏波貧

宣室虛前席

溫綸召舊臣官仍節度使喜見玉關春一病辭雙闕扁舟下七閩今

皇最神武專閫必親掄嶺外愁徵側朝端借寇恂東山共憂樂南伐敢逡巡傳箭先聲奪馳書大義伸壺頭功未竟箕尾化

爲神痛惜頌

天語號呼到海濱精誠畱奏牘風度想綸巾
袞袞登壇選蕭蕭戰馬辰諸公憂國計何以答

楓宸

訪梅里曝書亭

昭代文章伯嘉禾大布衣風流歸老輩勝會覺今非
相國清芬遠英聲早歲飛江山逢格鬪裘馬恥輕肥
旅食悲王粲高文擅陸機羣書酣枕昨餘藝散珠璣

仁廟垂裳日徵書驛騎駢鄒枚仍接踵巖谷一生輝
作賦趨深殿承

恩傍禁闈遷爲牛馬走甫謝鳳凰饑苴蕘何騰謗
翔翔早見幾羣公交口惜十載拂衣歸送老憑書帙
浮家近釣磯江湖重載

酒松菊屢開扉大集齊蠶尾清詞繼合肥斯人眞作者過客益
獻歎丙舍諸孫老中郎遺籍稀

天章重研博大雅絕攀依猿鶴難重識蚍蜉敢肆譏交池與槐
汧流照幾斜暉

消夏詞

桔槔聲裏插秧歌漁網斜拖打槳過一夜腥風吹猛雨明朝小

市白魚多

五月間俗傳白魚過必有大雷雨

今歲盆荷太不情只撐高葉兩三莖雖然辜負看花興卻助芭

蕉戰雨聲

消閒何處費商量除卻甜鄉祇醉鄉一飲頽然跂腳臥不知人
世有炎涼

愛聽苦吟一箇蟬歇涼去揀綠楊邊莫言蒲扇今年賤未抵清

風不要錢

義犬行

上海令袁公祖憲爲隨園太史孫有政聲土匪小鏡子者粵產也素不法公按之撻幾斃爲豪家某保釋去遂糾衆作亂寅夜突入縣署僕役輩聞變駭走公出叱賊遂遇害署畜犬五當賊之股公也奔嗥唐突若捍衛然賊散則守屍不去士民入殮公五大俯首嗚嗚作銜哀狀殮畢均不食先後斃咸豐癸丑八月事

天狗鳴國狗驚磨牙反噬胡猙狁袁公鐵面威錚錚力能服猛手長纓一朝縛虎復縱虎羆狼嗥呼入官府神羊一角難枝梧禽驚獸駭亡其伍夜半力竭死節時無一義士有犬五大不如人寸鐵無能出死力衛遺軀枕屍慟哭若有意忍饑待斃忘其

愚君不見舊時僮養十九走安樂則其憂患否可以人而不如
狗嗚呼此狗論功當封關內侯西堂雜組有戲封彼何人哉爛

羊頭

金陵咏明季事

半壁江山擁漏舟連宵風鶴逼揚州清流鉤黨同文獄狎客傳
箋結綺樓東廠閹兒猶有種南朝天子例無愁史公拜表專征
後誰更新亭泣楚囚

禁庭擾擾伏青蒲兩案傳疑事有無天上前星驚貫索宮中舊
劔泣靡蕪九江飛檄來方鎮一夜降旛出故都抉眼東門彈指
頃方黃墓草未曾枯

雨後過楞嚴寺

梅雨幾日天放晴竭來古寺三人行石幢黝碧尙津潤粉壁赭

黃偏眼明梧竹出檐木魚響葡萄壓架松鼠鳴佛廊小坐墮苦
茗兩腋頗覺清風生

得馬雲雛

延梧

粵中書賦寄

少小論文識馬周兩年不見起余愁詩人唐宋多踰嶺客路機
雲恰共舟令兄夢餘同寓粵能斂才華方是學最防瘴癘莫傷秋竹枝
定有新篇出付與珠孃唱酒樓

從叔蘇門山人相琴圖

西陽雜俎琴有氣常識一道者相琴知吉凶圖蓋取此

相馬輒言良誰能外驪黃相士輒言佳誰能外形骸臣叔矯矯
山人姿眼光四射窮妍媸金鉤刮後陋皮相妙旨直契桐與絲
手中尺幅誰畫是若有人兮撫琴視云據色相參機祥正變不
煩揣宮徵我聞萬物顯晦皆有緣隨人流轉劇可憐落花茵溷
定位置人固有之琴亦然琴兮琴兮但願隨戴安道一朝玉碎

全其寶不願隨桓君山繁聲獻媚羞老顏麻衣柳莊今不作祕
訣解人已難索鳶肩火色埋風塵爨下焦桐復誰覺嗚呼相琴
不如先相人物色成連期海濱不爾當學陶淵明無絃中含太
古春蕭然頓忘我相存

喜錢子方

兩溪

子密

應溥

兄弟告假歸

東風無恙卻征鞍重晤機雲一倍歡別後詩篇盈篋行歸途烽
火照江干宦游未信長安易時事真憂來日難更憶南州徐孺
子三年不共酒杯乾

謂徐杏卿

題杜少牧

文浩

殉節事實後

烈士感知已壯夫羞苟生隻身捍大患豈爲殉令名杜君尙書
裔忠孝夙所明官微膽則大捧檄隨南征單騎摩賊壘一呼千
人驚彼蒼未厭亂梟獍戕鸞麟我我兩觀察

徐君豐玉畢命同張君汝瀛

遠巡君時憤填臆赤手思屠鯨結纓俱死之灝氣還太清屍無

馬革裹碧血香千春側聞有義士遺骸收莽榛

君殉節後有鄉人得其脛骨一

持歸麻城秀水周君子權以三十金購歸屬其戚緒君雲門葬之

黃金贖駿骨藥葬於麻城吾

宗一指墓與君符堅貞

明末吾禾崇德吳爾璣從史閣部殉節揚州先期斷一指寄歸燭葬今名其墓

爲一作詩告桑梓先後流英聲

白峒晤走山路雜咏得四首

客路常憐馬高鞍控玉銜商量避塗潦宛轉度巉岵行店紅花

埠居人白木櫬急裝衝雨過短後襲汕衫

古佛山門坐青駝寺次寥僧緣貧賣藥地爲瘠栽薺春樹鶯何

寂長途馬不驕旅懷清似水合負許由瓢

行過蒙陰縣山光未斷青曉霞麗城郭流水澹郊坰驛路逢寒

食深杯勸客星花開非故國那有玉驄停

一騎出鄒縣五朝逢泰安天門高日觀迎面不勝寒雲氣排金闕松陰護石壇何當凌絕頂直北

帝京看

羊叔子墓

下馬羊流鎮荒墳夕照明人思晉太傅里住魯諸生羽化金鑲蝕苔封石碣橫春風揚汶水蕩漾有餘情

泰安道上逢雨

水行苦阻風陸行苦阻雨流轉千里間戚戚少樂土晨策疲泥塗我馬陷雨股夕鞅邨店投穿漏坐廊廡今朝泰岱顛素雲起如堵松柏青模糊日觀迷處所娛目豈不佳羈愁鬱誰語魯酒尚可沾獨酌助懷古

狡童篇

燕京多狡童結束炫羅綺隸名樂部中少住吳門裏能嫺北里
歌突過東山妓名園敞華筵廣坐交珠履堂上氍毹鋪席中絲
竹起纖步一登場曼聲發皓齒座間諸大老捋鬚顧之喜尙書
有沈范貴戚多許史鳳綬窪銀青魚袋飾金紫法曲猶繞梁纏
頭動盈几欣賞索杯盤評量停箸七冠葢散薄暮車馬若流水
喧逐大道旁歸來華屋底狎客爭相誇今日快無比是夜江南
臣飛章告

天子具言流寇狂中丞新戰死

吉撫軍在鎮江殉難

題睢州湯文正公集後

公以詞科顯文章道始尊大江流惠澤洛水得淵源士女青天
戴襲魴白日奔良知眞作用誰敢薄王門

丙辰補散館改官滇南別都下諸公

客中作客江鄉遠，山上有山棧路開。公等不忘送臨賀，勞人無分住天台。予初謁選，籤掣台州仙居縣，以本省同避改掣浪穹。瓊樓玉宇尋殘夢，瘴雨蠻煙問劫灰。他日元都重訪舊，碧桃花下一徘徊。

旅店

邨店小容膝，風光亦自殊。水槽剗樹腹，石几截碑趺。卻解供雞黍，還能給馬芻。一燈照塵榻，清夢到菰蒲。

清風店

宋娟題壁今無字，石將屯兵尙有場。多少英雄兒女，感乳鴉啼月滿街霜。李崆峒有石將軍戰場歌，紀石亨勤王事。在清風店南，又店有西泠雜女宋娟遺筆，見綿津山人詩集。同年張右石世傑時宰南和迂道往訪，畱談一日，詩以誌別。

天涯同薄宦，而我歎勞薪。迢遞經年別，間關萬里身。不圖官舍

下復與故人親見面翻嫌晚西窗翦燭頻
相見復相別明朝驛路長秋風起寥闊時事感蒼茫後會期何
地神交各一方願分宋臺月流照碧雞鄉

捕蝗歌寄示右石

嗟爾蝗實繁有徒百千萬億來須臾盤踞嚙禾田爲墟厥病在
人附骨疽今夏旱魃張喙噓之蟲紛起不可鋤趯趯雨股髯髯
鬚拚飛竟敢過帝都帝在靈囿顧曰吁大詔司牧行捕除
張侯治行中牟符蝗不入境民懽愉尙恐隣孽侵四隅懸令購
捕張通衢小民苦蝗切肌膚昕夕搜剔窮草蕪囊括壙束不得
逋羣躋公堂來獻俘張侯謂此當盡誅大呼湯鑊烹區區紅然
藁炬騰地爐焦頭爛額形模糊亦有跋扈不受拘闐然漏網逃
燼餘死者枕藉填溝渠蠕蠕強作絳市蘇蠖虻跛蹇相支吾曲

踊尙能三百無連年寇賊纏楚吳閭懷堆地肝腦塗蟲沙羽化
理非誣爾曹得毋變幻軀農夫負耒苦拮据大肆蠶食胡爲乎
況有跳躍緣草莛厥名曰蝻朋類呼狼狽相比傷我畬一例撲
殺今伏辜敬告田祖煩史巫臘月當令雪片麤蝗子入土尋丈
餘明年勿復畱根株

河陽道上

荒雞一聲百蟲寂殘星在天風淅淅鈴騾馱夢過河陽滿縣花
飛是蘆荻

重九日在彰德道中

九日沈陰霜信催荒荒白日墮城隈寒蔬薄酒不成醉野菊山
萸無主開漳水夾流通上黨燕雲回望抵蓬萊故鄉兒女今宵
樂小隊紅旗祀竈來

不俗重九以豆飯棗糕祀
竈製五色小紙旗插其上

漢孝子丁蘭故里

烏鳥城頭噪秋原落照時車驅河內地里表漢人碑薄宦憐萍梗高堂有鬢絲探薇無限思雲起太行陲

山麓土壁高數仞土人穴壁而居頗有古風

陶穴仿邠俗無憂風雪侵客疑穿塚入功是鑿坏深屋背牛羊臥牀頭蟋蟀吟江南王謝宅何處畫堂尋

苦酒歌

豫秦之間酒有甜酸苦三種惟苦者味與越酒相近

蓼蟲食蓼守故枝不知葵薺甘如飴萬物悅性卽爲適豈隨時俗爲遷移洛陽古稱佳麗所市上酒肆羅參差青絲絡瓶行就貰忽聞主人前致辭甜酸與苦品各別嗜好棄取君何施吾身以酒爲性命此中甘苦頗自知酸者味劣配蠶糞自卽以下無譏訾世上盡愛甘醴好我獨飲槩母乃癡平生正坐作詩苦文

園病渴時斂眉淺斟細酌有回味雋永如讀于濱詩況乃狂態
亦偶發往往過飲神爲疲陳樊玩占得水澤苦節謹守庶無疵
醉後感時起長歎誰能嘗膽扶傾危不如高枕學偃臥黑甜之
鄉容我嬉

過孟縣渡黃河

城外黃河上山山山回抱作重關津船逆渡經三折星海分
流見一灣掉臂嵩門行在望吟詩洛社幾時閒滔滔南北從茲
判那不臨歧淚暗潛

七十二疑塚

賣屨分香喚柰何阿瞞巧覷漢山河君看到死雄心盡尙占劉
家土許多

山行

四面山光斷復連，卻從山徑入寒煙。
陰崖老樹留雲宿，曲澗迴湍溜石圓。
籬落秋深瓜蔓熟，井欄人去轆轤懸。
結廬倘有高人，在應厭車聲攪午眠。

函谷舊關懷古

在靈寶縣

自昔雄關百二重，桃林形勢抱諸峯。
孟嘗夜度真如鼠，老子東來本是龍。
兩陝此間同峽束，一丸漫道可泥封。
祇今惟有秦時月，照見衝寒旅客蹤。

入秦

西渡黃河境更奇，紀行連日有新詩。
滿橋水是離人淚，秦嶺雲如美女姿。
秦雲如美女，出晉書。挾策漸多騎馬客，開疆舊說牧牛兒。
唐陵漢寢同蕭瑟，何處園官問奉祠。

潼關道中

近山雲氣雜晴陰，戍鼓聲中警客心。
日落黃河金蟒色，風號蒼檜鐵龍吟。
潼關四扇寒煙蕩，太華三峯積翠深。
匹馬清時攬轡過新豐，有酒且頻斟。

過鴻門坂感賦

軍門開鼓如雷，雨雄高譙謀臣陪手提。
佩玦睨不語鵲鵲對舞，鋒交推屠巢老翁不解事。
真龍出入無死地，但勸項王殺劉季。
不諫項王弑義帝，九鼎終歸大度人。
亞父何曾有奇計。

紫柏山下謁留侯祠

朝辭赤帝宮，暮謁赤松子。
留侯陶朱儔，軒冕等敝屣。
後來羽衣流，那解黃石旨。
張魯爾何人，符籙守故紙。
辟穀方不傳，戀戀五斗米。

華陰道上望太華放歌

人生不能仗劔殺賊如李藥師險語矢誓金天祠又不能入山
棲隱如陳希夷抱雲晝夢軒輿義英雄神仙兩無就敝車西走
華山陞華山生平目未見捧檄茲來覩生面九秋氣爽天宇高
咫尺肩巒遞隱現仙掌嵬玉女峯世間勝境不易逢煙雲出沒
悅難辨但見矗立千丈青芙蓉當年韓昌黎賈勇相攀躋嶺仄
路絕不得下投書痛哭愁無梯古人自慨不得志豈畏一跌填
深谿今我遠營一囊粟官家程期苦迫促名山在眼不暇登始
信風塵作吏俗會須東歸謝折腰西湖山水相招邀呼兒肩負
大酒瓢縱游林壑忘昕宵醉時便臥蒼翠裏毋使山靈笑我勞
人勞

木棉花

桑麻陰裏望依稀稠白花開梔子肥萬翅團如蝴蝶宿一羣暖

逐鷓鴣飛

李義山詩木棉花暖鷓鴣飛

莫嘲敗絮來皮相能使歡顏到布衣

輸與滿城桃李豔年年羅綺占春暉

低栽隙地不宜山玉樹臨風少婦攀羞逐顛狂飛陌上願畱清
白在田間紡燈影細鳴機響竹擔肩輕趁市還賣相荒庵啼蟋
蟀蘆花滿地夕陽殷

興夫歌

秦蜀路偏仄車輪不得前肩輿代兩馬時向烏道穿健兒好身
手猿捷誇便旋終朝汗雨走所得踰百錢得錢輸酒肆一醉酣
且眠亦有好博簏囊空仍流連冬日露兩肘襦袴恒不全其初
恃膂力轉瞬歲月遷衰老乏氣力饑餓無人憐勸爾自食力何
勿傭耕田耕田望有年歲晚尙息肩

宿咸陽縣

豐渭交流處隄橋一望平樹稀遙見市水闊欲浮城放牧天初
露歸航夜有聲陽關誰按笛客舍若爲情

馬嵬坡楊貴妃墓

寂寞阡碑鎖碧苔美人陶土總堪哀金釵鈿盒無消息歲歲牽
牛花白開

武功懷古

太乙去天三百步有邨開土四千秋漢家馳道扶風在客路光
陰渭水流小市浮蛆爭把盞高原繫馬嬾登樓康王樂府銷沈
久腸斷揚州顧小侯

寶雞道上

大散關前落日黃馬蹄得得上高岡山門乞供僧敲磬茅店停
驂更賣漿淺草平原尋獵碣荒煙古木出陳倉三秦戰骨知多

少畫角聲中弔國殤

旅思

逆旅休嗟吾道非黃昏賓至亦如歸連雞各就樹頭宿驚蝠忽
從燈背飛孤店貪閒休市早亂山鎖夢到家稀無魚久廢彈長
鉞瘦損東陽舊日圍

嫁蟲娘詞

秦蜀滇黔間家家壁上書帖子云佛生四月八毛蟲遠
避藏嫁出青山外永遠不還鄉蓋俗以是日爲嫁蟲娘
佛生四月八蟲娘今日嫁東隣方送行西隣復勸駕蟲娘嫁何
方乃在青山陽山中嬉戲眞樂鄉上有林木可蔽翳下有豐草
可潛藏長爾子孫族繁昌夔蛇憐惜永不忘慎勿歸來籬下處
籬下有雞啄傷汝螻蟻攢食那得拒蟲娘蟲娘快遠舉飽餐松

葉隨毛女

從益門鎮入連雲棧

石棧連天起千盤馬足艱客愁多似草秦地少於山雲與鳥爭路僧呼猿守關明朝重對鏡應訝鬢毛斑

鳳嶺

陡絕岐南路鉤梯望欲無飛龍勢直上凡鳥不能踰度險愁行客絕空出武都回看青嶂峙立馬尙踟躕

雞頭關

褒斜古道鬱崔巍曲澗長橋抱翠微路入七盤天亦窄風迴萬壑樹俱飛山間人帶齊癩醜祠外雲隨蜀魄歸何處神仙誇白石短碑頌德滿巖扉

關前有白石土地祠

出褒城

山木鬱蒼蒼迴盤鳥道長連雲忽中斷百里炯秋光小市開平野輕舟泊晚塘明朝出郭去巖路又微茫

甯羌州

落日下氏羌塵沙廢壘揚俗沿古白馬劫話小紅狼

明季流寇號

荒

市劉綢少

康熙時諸城劉聚知州事見山多憫憫宜蠶教以紡織州人名之曰劉公綢

秋風漾水長

雍梁門戶地生聚亟須商

朝天峽

南下嘉陵水西來嶓冢山蠶叢開蜀棧虎視斷秦關古洞頽雲老危崖巨石頑千秋爭戰地折戟認沙間

劒閣南至梓潼夾道古柏數百里不斷內邱喬鉢題曰翠

雲廊蓋宋時州守李璧所植也

古柏參天萬種殊劍南此景故鄉無少陵枉費如椽筆丞相祠

前見一株

青山隱隱樹蒼蒼
消夏如登萬柳堂
行過潼江回首望
滿身涼翠出迴廊

雜感

花落不上枝
葉落不返樹
羲和鞭日輪
流光那可駐
仙人亦好勞
燒丹閱幾度
大夢齊彭殤
長生詎足慕
惟有酒千鍾
嘯歌適吾素
行樂若待時
戚戚多自悞

烏生八九子
近向邱壠嬉
同類復同氣
飲啄無猜疑
一雛毛羽滿
高飛戾天遠
長與鵷鳳伍
翻笑舊侶卑
千花共一樹
開落豈並時
十指附雙掌
長短亦互歧
人生有通塞
造物偶轉移
寄語青雲客
慎勿忘故枝

昔讀蜀道歌
歎息卷爲掩
峻極愁登天
猿猱跡亦歛
賤子西南

征入蜀自關陝棧路有高低安帖皆如簞古人言豈誣致此良
由漸更歷時代多開鑿憑氣蝕山路鑿愈平世路鑿愈險邛峽
伏方寸勿晒盧杞臉

子瞻謫惠州退之謫潮陽當其就道日沈痛迫肝腸人往地不
改美惡何無常昔爲愁苦地今爲安樂鄉朝選授是邦走賀盈
華堂山川縱悠遠孥僕爭褰裳昔人哭相送今人喜欲狂昔人
去立廟今人歸滿囊今人持比昔千載證短長

鴻鴈知北向鷓鴣恆南飛相彼林中鳥風氣各有依如何遠游
客長與鄉里違衣錦適異國不如臥柴扉駟馬度遠陌不如守
釣磯富貴豈長在局促爲名轍達哉杜鵑語聲聲勸我歸

秦蜀道上戲咏

秦山雄蜀山峭秦山千仞立蜀山萬磴繞大山小山相鉤連頑

青鈍碧透馬前上有四時不凋之蒼藤下有百丈難測之重淵
煙雲繚繞不可以名狀其餘一邱一壑皆清妍若置他處詫名
勝此間棄擲塵埋有萬千山靈顧之不甚惜亦如清風明月不
取錢我家南湖上南湖之水何蕩漾湖邊但欠一朵山不能載
酒登高而遠望一朝置身千巖萬壑間坐令日日開心顏但怪
天公位置好山色此何雜沓彼何慳路逢狂道士揖我天上行
仙之人兮吹鵝笙金碧照耀樓臺明我欲拍河鼓叩玉閭手賁
綠章謁帝尊乞喚夸娥二子執巨斧五丁力士皆如虎爲我左
拔碧瑤簪右割蒼玉柱雲車風馬紛相從雷聲轟轟驚蟄龍一
夕徙傍故里松使我江湖有生色眼中突兀增此青芙蓉世間
荒唐奇事亦偶逢君不見西湖上飛來峯

路聞滇南回匪作亂迤西大理浪穹相繼失陷

風鶴傳聞僮僕疑蒼山賊騎竟橫馳功名畫餅真堪笑一夕雷
轟薦福碑

汗腳何心宦海棲夢魂猶戀舊湖堤此行自愛吟詩好一路看
山到碧雞

食菘

彥倫山中住雅嗜秋晚菘蜀郡蓮花白不與常蔬同玉球孕一
氣錦襖苞千重地主晨走送沍露香溶溶大烹嚼復嚼味在清
腴中抱美不乞助雞豚皆無功故園善灌溉菜根豐三冬盤底
春不老菘名囊頭清若空酒名歲時佐伏臘夢想尋權儻今夕是何
夕爾足走蠶叢菜甲有滋味笑倒吳下蒙飽噉慰汝腹庶不嗟
飄蓬

內江

迤邐郊原徧綠蕪聯翩舟楫下巴瀘疎林短塔宜煙雨淺水平
山入畫圖菜把微醺甜似筍蔗竿亂束賤于蘆六千里外風光
好持較江鄉未覺輸

五龍宮

在永甯縣城外祀唐五王張東之等明代建屢著靈異

唐室煽雌風瓜落黃臺圯鸚鵡綠毛衣來啄鯉魚子英公舉義
旗聲討檄先指一擊惜不中盈庭變妾婢天生夾日勦矯矯五
龍是沈幾周勃同忠惻梁公比敷天左袒心力把牝朝徒安劉
弗顧身危哉禍龜氏冤魄愬昭陵雄心長不死崔嵬古丹崖負
郭畱祠趾石馬効英靈勝國久崇祀至今廟貌隆丹楹間玉祀
不見皇澤寺法像金輪峙妖狐死不靈寂寞空山裏

有金輪比邱尼石像卽后也

過雪山關

亂山莽無路一線入秋毫盤頂蛇行緩凌寒馬歎高白沙疑積
雪赤水名看磨刀道逢川兵起咫尺分黔蜀斑斑感鬣毛

畢節縣西八十里山高而險上有七峰列如北斗相傳武
侯南征禡祭於此今名七星關關前懸崖陡立數折而
下一橋跨峽爲七星河明傳友德征滇山上築城戍守
今廢

七星關下七星河北斗關干俯逝波故壘雲荒屯虎豹石梁湍
急鎖龍鬣鳥蠻邨市依山聚丞相祠堂落木多此是且蘭雄勝
地道旁殘碣手摩挲

臘月朔威甯道上

尙憶都門祖餞秋無端雨雪撲征裘年光向暮猶爲客流水無
情不送愁百犬吠聲宵聚柝一燈搖夢屋如舟山中未淨豺狼

迹根觸時艱易白頭

小匏庵詩存卷第二

嘉興 吳仰賢 牧騶

入滇

遙指津亭渡野航
嵯峨石徑入蒼蒼
地偏山溢中原界
天暖花留歲晚香
六詔烽煙屯殺氣
時回匪陷大理
百蠻冠帶隸周行
曠懷聊制思鄉淚
倚醉閒吟未碍狂

宿越州哨

乍渡瀟湘水

曲靖城南有瀟湘江

牛羊正下坡
殘年行客少
瘴地晚晴多

埽榻寺僧訝
窺窗山鬼過
窮荒嗟異俗
況乃未休戈

感滇南漢回互鬪事

蠻觸爭尋報
復場無端李樹代
桃僵眼中水蟹都
遷怒意外池魚竟
受殃囊底紛探丸
赤白城頭劇戰棒
蒼黃

李義山詩蒼黃五色棒

連

邨一炬成焦土瓦礫愁看大道旁

翦巢蜚語逞私仇反側俄聞衆楚咻聲訝百千狂犬吠釁從內
外鬪蛇雷撼山妄倚愚公力懸市誰憐智伯頭下局劫棋成底
事傷心蔓草徧平疇

但索渠魁縛獻軍火炎玉石怕俱焚平章魏絳和戎策反復相
如諭蜀文東道漸通應悔悟南人未服尙紛紜域中夷夏皆同
體不用燕然侈勒勳

熨爨由來聚族歡花門部落亦相安開堂敦尙天方演

回回祖國曰天

方繇版人同土著看最易雞蟲緣瑣事翻然鵠蚌起爭端羈縻
要服需良牧政在持平猛濟寬

抵滇後知浪穹尙未收復終日聽鼓趨班而已戲拈解嘲

玉京一去判仙凡宦海茫茫枉掛帆但說虞翻投遠郡誰知殷

浩達空函此身散置如員外終日饑驅負老饒戲取麟經人竊
比王宮無地是頭銜

大理石屏歌

青山塞破滇南界萬壑千巖不可畫天工愛奇欲與人巧爭更
遣山靈作狡獪洱海之西蒼雪巔石屏肌理何精研或層巒疊
嶂或細礪平川或林木蓊鬱或雲霞眇綿或峙亭與閣或隱橋
與船丹青水墨無不有顛米迂倪看束手尤工寫生肖楮毫能
貌蜿蜒及飛走煙雲過眼詫奇絕欲究元關轉箝口謂是石質
奇不聞江上峭壁皆作畫障披謂是神力奇不聞天上夸娥別
擅圖寫藝我想女媧當年煉石有棄鑪碎瓊萬片埋榛蕪又疑
六詔山川本是妙香國大千須彌幻空色前朝職貢徵窮荒勅
取奇石充山莊姚關寶井精氣竭礦使四出來貂璫平夫椎鑿

割頑碧磨礧雕琢八尺長馱載艱於荔支騎進奉不異花石綱
祇今寬政古無比玩物不珍禁網弛峒丁採取賣城市

除夕

去年守歲楓涇上今夕高歌菜海頭忽忽關河成浪跡沈沈鼓
角動鄉愁看人兒女燈前笑攬我鬢眉鏡裏秋明日趨衙須早
起橫持手版賀君侯

滇南雜咏

金馬荒唐事本虛使星曾發益州車洞簫賦是才人筆不草相
如封禪書

潁川戰績著龍驤更說西平教化長三百年來資坐鎮無人爲
建大功坊

玉皇香吏舊追陪宮漏丁丁曉殿開今日蠻天風雪裏五華山

上坐朝回

六橋煙水足清娛白塔紅亭間綠蕪夢裏家山誰髣髴拓邊樓

外有西湖

城西有西湖一名積波池俗曰草海子滇池上游也

歲暮看花不厭頻黑龍潭上早生春萬株香雪圍茅屋可以吾家梅道人

石甃園池碧玉光螳蜋川外暮春涼品題曾記楊修撰不數華

清第二湯

安甯州古螳蜋川有湯池名碧玉泉石刻大字云天下第一湯係楊升庵筆

廢寺頽垣露粉丹雨深薜荔絡簷端可憐幾柄仙人掌只當閒

門蔓草看

甲煎龍涎小鼎薰妙香國近落花紛蒼公詩句擔師畫分付山

僧話白雲

明季僧讀徹字蒼雪呈貢人工畫詩舊荷字提當晉甯人工畫

海心亭看壁間所嵌大理石屏用東坡仇池石韻

朝登翠海亭春水一泓綠游魚出聽多音訝空谷足嵌壁見石
屏煙雲盪胸腹咫尺具峯巒不嫌眼界蹙黛色分點蒼品題有
岳牧石上有前雲貴總督阮文達公題字五幅如畫圖眞形狀嶽瀆一幅景更奇
雪浪白于玉遠水入蒼茫墨雲共起伏生平愛隱居未向詹尹
卜猿鶴怨離羣宦海強馳逐奚奴古錦囊覓句媿昌谷滇南富
山水熊魚兼所欲蒼翠納一亭泥坐闌干曲白鳥忽飛來有如
客不速

楊忠愍公諫馬市劾嚴嵩兩疏稿石刻本

石在京師松筠庵

咸甯擁帥蘇職方不敢爭分宜據政府臺省噤無聲壯哉椒山
自有膽霜簡上訴天爲驚一疏堂堂諫馬市閉關欲絕天驕子
一疏謬謬誅奸謀上方請斬張禹頭逐臣報國一腔血薑桂之
性老逾烈風吹柳鎖香滿城百鍊此身都似鐵公死已與逢龍

游公書可代常山舌百年手稿藏文孫蠹魚潛逃不敢齧筆力
瘦硬中藏棱想見揮毫眦盡裂磨礪貞石相雕鏤吾友張也審
波折石係海鹽張受之茂才辛所鉤勒刻成上嵌銀泥墻咫尺不異大道碣噫
嘻吁魯公爭坐位鄂王謝講和鄂王謝講和叔表墨蹟今藏王裔孫岳鴻達家已上石
傳諫草同不磨持此願作直臣氣數紙豈僅博白鵝

呈貢道上

滇南二月春光老十丈游絲冒芳草蠶豆青青燕麥長香廚不
信嘗新早蛺蝶成團小隊斜棠梨吹徧野人家藍田日暖煙生
玉雪白一叢罌粟花

晉甯州游盤龍山再用仇池韻

盤龍山不高一桁滃春綠綠麓指僧房尋幽憩我足酒榼隨意
提謀豈在口腹丈六現金身低眉似顰蹙佛法戒虛憍吾道守

卑牧靈泉砌方池盈涸異溝瀆茶花盃大開天球琢頰玉萬松
怒鑿風龍性難馴伏日夕游興闌何必夜兼卜頻歲疲津梁悔
向風塵逐雞鳴度散關月落出斜谷邱壑固所怡遠宦豈余欲
常憶茗警游不忘滄浪曲呼月寄素心歸去恐不速

晉忠烈李夫人廟

夫人諱秀字叔賢父毅晉武帝以爲南
蠻校尉南州刺史卒於官羣蠻皆反救

援莫至衆推夫人領州事嬰城固守親授甲冑俟蠻稍
怠輒出擊之蠻兵敗走終得保完因以夫人爲南州刺
史南蠻校尉嗣父統三十七部

蠻天夜半將星落金馬山前陣雲惡三十七部回戈攻斗大州
城萬家託將軍有女天人姿亟呼健兒介馬馳素幘銀刀指殺
賊洞酋爨長生擒之朝廷錄功授校尉控制諸部無差池巾幗
有才是龜暴可惜身寄西南夷典午之亂惠懷始南風吹動白
沙起宮中牘牒解作妖塞上魚羊忽入市豆田不洗青衣羞蒼

鵝出地銅駝徒是時朝野誇清談韜畧棄置尊老聃新亭對泣
成底事祖劉以外鮮奇男夫人倘奉渡江檄定能戮力隨征驂
金山戰鼓助恢復那令五馬踰江南不鎮中原鎮殊俗長材僅
使平蠻觸戰蹟猶存天女城芳名壓倒宮闈錄從此三垂諸女
兒躍馬彎弧事結束南粵風流雲韞娘西川慷慨秦良玉彤史
輝煌有替人威名錦繡堪同續陽城原廟何差我靈旗髣髴山
之阿千邨賽鼓走士女願驅厲鬼福祥疴跪陳詞兮薦蕉荔迎
神須唱木蘭歌

山茶花歌

洛陽牡丹蜀海棠名花傾國誰韻頽滇南羣芳甲海內就中山
茶尤擅長炎方十月無冰雪瓊葩四照如欄房譜錄品列七十
二鶴頂一種逾尋常重臺疊瓣仰微拱粉鬢中凸梔子黃燭龍

吐燄掉頰尾斑駁欲眩銀海光圓穎高擎瑪瑙盤橫枝低亞珊
瑚林或疑萬令去句漏丹砂萬斛隨風揚空中續紛結彩異天
花亂落成道場又疑上元宴西母紫霞羣捧瑤池觴玫瑰春紅
發淺笑木難火齊紛佩裳五光十色狀難肖下視桃李同俳倡
河陽種花手未試休沐往往來僧廊淺深顏色看不足膽瓶折
插盈几香似聞通海紺宇內一株奇豔誇蠻鄉得隴望蜀屢揩
眼羅浮夢想空徬徨欲效放翁續顛趣也曾走馬碧雞坊通海縣三
元宮內茶花最著名慎城
南門外有碧雞金馬兩坊

短歌行

拔劍斫地把酒問天衆人皆醉我歌涕漣一解男兒局促百年
幾何攬鏡自照白髮漸多二解雞鷺高飛鳳凰在野思古英雄
尙出胯下三解元黃忽戰海水羣飛九州之大茫茫安歸四解

竊國者侯竊鉤者詠涓涓雖塞洪流可虞五解鯤鵬遨遊瞬息

如矢身無羽鱗悠悠我里六解

阿姑嶽廟祀梁王郡主阿蘊主適大組段功梁王忌而謗殺之主賦詩見志不食死有西山鐵立風蕭灑

千戟摩笄恨荒祠落照斜西風總蕭灑吹瘦白梅花

雞蔓菌類雲南隨處有之產蒙自縣者尤佳

埤風苞露炎蒸積蓓蕾森森茁砂磧小柄微擎珠繖圓芳菇不似銀盤白聞道桑鵝與樹雞俱菌屬見王建詩俊味上與芝朮齊廚娘

纖手調玉糝滑流翠釜疑丹莢前朝中使網珍異紅塵髣髴荔

支騎夜半宣傳綺饌開奉聖盈盈屢拜賜明熹宗極嗜雞蔓漢中歲馳驛以進惟客

魏得茄花零落三百年荒驛採摘朝菌鮮乞與詩人侑卯飲故

鄉蔬菜話尊前

紙鸢

纖骨珊珊翦綠筠
凌空羽翼忽如神
環邨花柳催風信
下學兒童鬧比鄰
莫羨飛鳴方得勢
可憐升降儘由人
驚鷺冷眼磯邊立
笑問回頭若箇真

咸陽王廟

祀元平章費典亦宋時眞省不入版圖俗沿荒陋王始修文教興水利政績煥然

路開中慶雜華夷
行省高懸上將旗
百濮風聲通北極
六河春漲下東菑
葵社鼓番君廟鬱鬱荒亭邵父碑

聖代至今崇俎豆
舊時部落莫猜疑

王本回部撫滇最久故滇中回民獨多

題祝

維垣

畫九歌圖

公麟畫手推宣和
拂繚慘澹貌九歌

宣和畫譜李伯時有九歌圖一後來蕭郎

亦點筆

漁洋詩集有蕭尺木楚辭圖畫歌

芙蓉縹渺連薜蘿
駕湖寓公開生面

白描不用脂粉和
歌詞分寫各盡態
銀鉤小字三折波
開圖靈

氣悅來降眼花閃眩煙雲過帝神肅穆飾旒冕甲丁森衛摩佩
珂金支羽葆間玉斧蒼龍前引後白鬘美人香草寄託遠點染
山鬼兼湘娥含顰善睇洵窈窕修竹徒倚赤豹馱瞑目突鬢數
壯士短後之衣深雍韡鬼雄錚錚有生氣藥韃在腰手吳戈其
餘摹繪盡入妙百靈雜遝驅天魔今我不樂適蠻土玉京一謫
傷蹉跎搔首問天夜不寐明月入戶聞吟哦湘纍舊怨渺千載
恨不作詩投汨羅

滇城自漢回構畔後時防報復夜禁甚嚴大府遣官分道
邏察余適總其役拈此以示同人

鼓聲坎坎起城隅午夜周巡徧六衢敢使畏逢韓王汝相期不
犯李金吾水清見月蛟難伏樹靜無風鳥亦愉工作也知謀五
袴莫輕誨盜啟繩樞

會城尙夜市三更後猶開戶開行

厨人市魚歸將充朝膳以盎水盛之置井旁魚忽躍起落井中感而有作

涸魚不鮒潛失勢落庖厨瓦盆盛勺水暫置露井隅井上與釜底性命決須與沈鱗忽躍起一跌谷鮒俱厨人驚脫兔拍手相叫呼吾笑此魚智萬死逃微軀汝性喜游泳託生在江湖江湖縱云樂殺機無處無下有鯨與鯢鋸牙剝汝膚上有網與罟舉族將見俘汝今在井底韜晦乃良圖跳蛙妄尊大躁動恐有辜埋頭且暫伏習坎聊自濡輓轡轉修綆莫驚是釣徒變化會有時豈終辱泥塗

偕同人游滇池登大觀樓

手版肩輿忽屏除今朝出郭快何如東風驟暖飛蘆燕新漲方高上麥魚王粲遠游中歲後山陰修禊暮春初南湖煙雨遲歸

計鯁菜年年憶故居

蕭燕麥魚俱出滇池

滇池一瀉五百里上有縹緲之飛樓樓外雲山闌金碧池邊花
鳥忘春秋同游盡是詩酒客遠望忽生戎馬愁散髮憑欄寄嘯
傲隔煙呼取沙棠舟

滇俗

雪訝經年斷風無片刻和山城開店晚街市賣花多涓滴皆稱
海雀鬼總號坡家家工倭佛香炷手中搓

一雨驚寒洎稍晴即暑炎丹青山上石黑白井中鹽夷女羊裘
窄諸生竹笠尖花田鶯粟滿三倍利能兼

論工誇積產豪族擅奇贏

滇俗以工計田三工爲一畝

繫柱驕黃犬巡簷慣

綠鸚紅藤揉杖直白石琢基塋不信蘭同臭人間盡寡情

滇諺花無

香人無情非篤論也

口腹尤殊眾檳榔嗜若飴瓜容瓠五石筍束筆千枝鮮菌搜雞
腿花房割蜜脾米毬描綵勝最憶獻春時

讀玉溪生詩

南華徵事曾畱恨東閣題詩也見疑時宰愛才從古少文章憎
命欲何爲美人聊託離騷感舊史偏來詭激訾望帝春心忠愛
意千篇學杜得藩籬

丁巳四月到羅次作

石磴盤旋棘刺繁時晴天氣日微暄輕裝小騎官如客疎柳頽
垣縣似邨俗陋喜無紉綉習訟稀略有簿書存碧城散吏頭銜
舊十二闌干憶夢痕

南門外有
碧城河

故壘蕭蕭古戰場滄桑感舊劫灰涼蟲沙莫問將軍府鴈戶曾
編沐國莊

明桂王入滇命劉鎮國住羅次縣建將軍府第順治
十七年將沐氏勳莊給吳三桂康熙二十五年勳莊

變價豈倚三城誇地險古羅部扶邪押赤三城舊址均在羅次須教一第破天荒
歸民既耕還讀風差古此意低徊十載長

羅陽雜興

衙曉官蛙打鼓開野花滿縣那須栽周妻何肉雨無累漢律唐
租百不才龍日趁墟人左擔兔園挾冊士于鬣後堂賸有高樓
在口爲看山挂笏來
一官束縛奈愁何煙景三春放眼過有酒且謀今日醉我材原
合力田科飽諳畫諾嗤塗蚓憤想從戎學跨驪差喜空山冠蓋
少不煩見客起穿鞋

牽牛花戲效樊榭體

絡緯曉殘庭院幽曉涼簾幙曝衣樓棘絲淺繫銀杯顫竹尾斜
拖翠帶稠天上星辰原昨夜籬邊風露作新秋年年歲歲花開

日牽動羈人爾許愁

河鼓西斜絡碧天井梧影黯乳鴉眠涼宵院落快微夢壞壁藤蘿裊細煙秋在豆棚瓜架外花開殘月曉風前苔痕滿地圓如鑄輸與黃姑作聘錢

古驛

歲歲柳條青長亭復短亭鄭公門客散蜀棧戰塵經榭葉飛行店苔痕鬱成瓶白頭屯卒在醉臥未曾醒

破寺

灌木竄鼯鼠山門落照時牆書乞供字階臥捨田碑古佛金全黯殘僧鬢已絲香廚何所有紅葉一罍炊

斷橋

何年斷磔背相望隔天河頽石觸流怒崩沙臥柳多喚船行客

欹浮鼻牧牛過樂府公無渡笙篳若箇歌

枯井

西風戰梧葉一夜落銀牀那有波瀾起相窺明月光墮瓶膽哀
響斷縷恩塵忙泉以甘先竭源頭慎濫觴

苞穀

卽玉蜀黍吾禾呼爲
蘆粟滇人又稱玉麥

蘆梢槭槭迎風舞大葉粗枝過尺五癡龍領下髯何長萬顆明
珠斛量取筍籜層層解更輕瓠犀齒齒圓如許童時爆炸蓓蕾
懸細撥牀頭煨芋火邇來腸胃寬窄殊飽噉只愁滯膈腑會寬
糗村釀作醅小麴何妨配小戶

滇中以高粱米麥燒作酒者名
大麴以苞穀及雜糧燒成者名

麴小

南詔德化碑

唐天寶十載鮮于仲通將兵八萬討南詔南

詔王閣羅鳳遣使謝罪請還所俘掠城雲南
而去仲通不許進軍至西洱河與戰大敗仲通僅以身
免閣羅鳳遂北臣于吐蕃刻碑于國門外清平官鄭回

撰文流寓唐御史杜光庭書言已不得已而叛唐且曰
我世世事唐受其封賞後世容復歸唐當指碑以示唐
使者明吾之叛非得已也碑久爲沙石所掩國初大
水碑見大和邨土人以其石堅硬可以磨鏤所謂磨刀
碑也字多漫滅可識者不及四百字

鳳儀山前戰鼓死八萬唐兵葬洱水明皇贖武恣開邊狂寇滔
天起安史倉卒青驪蜀道行那暇羈縻到邊鄙從此西南半壁
天奉表長臣吐蕃矣是時南詔稱最強吞滅五詔同虎狼穹碑
屹立國門內絕秦詛楚詞鋪張初言事唐蒙累錫繼言叛唐非
衷腸指碑被罪誓他日域外自大羞夜郎嗚呼幽薊十六州割
地追恨石敬瑭三百年來委強敵日月不照蠻觸場羅鳳梟雄
竇猾夏立意猶知慕冠裳

聖朝疆宇邁禹甸身毒諸夷聲教徧昆池習戰威四寶豈但全
滇奉郡縣卽今醜虜搆葉榆尙有義民赴團練會見炎曦散飛

散捷書夜奏南薰殿

李卓吾官雲南姚安府日聚男女於堂作廣大教主被劾
繫獄憤而自殺後世冒之曰怪呼之曰禿遂集矢于陽
明意有所感而成此詩

溫陵亦畸人志不役名利尙論蘧雷同讀史出危議商君與宏
羊傳乃名卿厠晚節更好奇談禪等兒戲遂使太守堂化作梵
王寺隱怪法所誅軀命不自庇而吾窺其微公論規時勢公生
明中葉舉朝尙泄泄冠盜正交訐賄賂通近侍慨然慕富強著
書示諷刺雜霸非所惜立意在救世堅僻旣難回援墨遂儒棄
滿腹不合宜行激遭眾忌好惡而倒持殺機焉可避君子守其
常慎言識素位

騰越南甸土司弟刀承緒作亂官兵討之竄匿千崖之蠻

允寨又潛至隴川麻栗壩將句結緬夷入寇龍川江巡
檢馬繼三偉堂單騎至千崖腊撒諭以禍福遂縛獻承
緒正法各土司以安繼三之力也詩以誌其事

文士之筆辯士舌一例殺人無寸鐵君不見龍川馬少公徒手
縛賊入虎穴南甸有賊倚土司粵援互結連緬夷困獸走作負
隅鬪嘯聚封狼兼羆罷是時大府下羽檄窮追惜少十萬師少
公搖手前借箸能使飛廉無遁處繫頸但請三尺纓匹馬拂衣
向前去精夫妖徒相顧驚刀光潑面分道迎仰天大笑爾曹悞
此來爲爾息戰爭爾不聞犯順干天兵爾不聞容奸伏常刑急
縛渠魁獻帳下噬臍毋使後悔生伏聽良久眾曰諾羅拜乞從
牛耳盟蘆笙銅鼓蠻筵肆長鯨貪餌懼然至漢使誰知複壁藏
狡童已就穹廬醉大聲一喝霹靂驚組練加身交肘臂飛章連

夜軍門投檻車衛送森戈矛脅從罔治治戎首國門高揭蜚尤
頭全軍凱撒不血刃此才能運帷幄籌不然燎原縱撲滅焦頭
爛額誠可憂嗚呼焦頭爛額勞且酬徙薪曲突尤良謀不繼三賞
云故

丁巳七夕

兒女宵分拜畫屏家家瓜果薦中庭愁人不乞天孫巧自上高
樓看酒星

夜半出城

坎坎城頭鼓秋聲亂馬蹏月斜千樹黑天闊眾山低溝水路旁
瀉怪禽原上啼擔薪趨曉市先我過橋西

秋日

一夏全無暑涼秋更灑然斷雲山寺塔疎雨郭門田堂靜官如

鶴林深地少蟬夜來登小閣河漢落窗前

健兒歌

健兒振臂歌結客多酒徒願從城南戰不樂府中趨
憎馬金連錢出門笑著鞭健兒亦有淚不灑妻孥前
百戰殺賊盡手弓還故邱餘怒未得洩射虎南山頭

秋山

疎林葉缺羣鴉湊青山一夜風吹瘦煙消日出泉水明幾縷清
光溢巖竇竇旁汲水溪女過兩三茅屋垂薜蘿老牛引犢無人
管飽齧枯莢臥遠坡

閱浪穹縣志甯湖之勝神往久之近遭兵燹未識風景不
殊否

九然臺空泉水香下產天生黃數家村舍隱漁梁短篷載酒沙隄泊

莊善花開繞牀

昔年遷客此經過道似江南勝景多今日都成戎馬地新蒲細

柳奈愁何

新蒲細柳似江南楊柳升庵游蒲湖句也

潛龍庵二忠墓

相傳建文帝以永樂九年至浪為結庵於此從者御史葉希賢教授楊應能編修陳

濟明年希賢應能先移卒帝為葬庵東

壞雲晨壓金川門北燕飛來啄皇孫宮中火起柰何帝白龍魚服窳荒裔誰從帝出亡首數葉與楊君臣而師弟流宕適他鄉他鄉轉輾居蠻爨茅庵小築平洋畔有眼不盼姚太師同心惟有陳內翰臣力竭兮叫九閭瀾茨水闌煎涕痕臣死走訴高皇帝鸛鵒之辱心煩冤心煩冤聲莫吞君不見甲申三月金甌破屏王又向滇南過呪水歸來繫子嬰豈能隣榻容駢臥前後江山感慨多風號宰樹號鵑和

古棟行

樹在羅次學宮內大十餘抱根鬱起丈許成盤陀狀蓋數百年物也

眼中突兀森喬柯靈風肅肅神鬼過世閒苦棟等樗櫟繩墨不
中工匠訶不材天棄得老壽欲考歲月沙恆河盤根倔強地不
受怒脈憤起成陂陀瘦蛟露脊龍斷足醜猶不異疥駱駝中穿
穴竇伏魍魎陰房黝曲如旋螺霜株十圍半朽蝕枝葉旁茁何
婆娑我昔東走泰山阿昌平舊里瞻巖峩宣尼手植檜難覓旁
標小碣封苔窠又經鄒邑展孟廟廟中古木千霄多霜皮黛色
翫不盡如對銅狄千摩挲孤蓬轉徙踏蠻地嗜奇往往搜煙蘿
羅陽鬢序忽見此葉落泮水生微波百年興亡欲有問木客不
解吟與哦惟畱高蔭當廣廈游息未卜安樂窩作聖功夫莫畏

苦期與諸生相切磋古來才士亦有限足跡況鮮踰牂牁物色
不到奈爾何得毋廢棄傷蹉跎嗚呼我今爲爾拔劒歌

玉龍寺看飛泉

天池叅龍備帝騎豐隆前驅屏翳侍白龍驕情逃鞭笞走入空
山恣遊戲吐涎噴沫干斛珠倒掛林筵亂飛墜草間隱現鱗爪
痕如爛銀盤擲地碎澗壑鬱作風霆聲訇磕砰磅撼山寺山門
峩峩枕初地門前下馬客掉臂一僧蒼鬢清且癯導客看泉歷
階次一僧赤腳趨香厨煮成苦茗捧杯至倚樹啜茗衣袖涼迎
面忽驚潑山翠吁嗟乎在山清出山濁龍乎龍乎汝應覺塵世
好龍盡葉公慎莫人前露頭角

山谷詩獨標一格後人强效之都無是處偶拈一律

江石詩孫慣乞靈强將流派別畦町仙凡有骨原難換軋茁爲

文太不經世上噉名多李赤古來絕唱只秦青效顰誰似眉山
叟莫愛西施但繪形

偶論滇南詩

後園春去惜殘紅鋪得春愁語最工合把詩情比詞調小池吹

皺問春風

陶致遠南朝事云桃花紅雨
梨花雪舖得春愁一寸深

平居陳郭稿難搜今古堪憐貉一邱賸有三南老居士野棠落

日詠鄉愁

楊遠庵太傅一清詩爲滇南一大宗晚號三南居士
謂生於滇南長於湖南老於江南舟中感興起句云

微風動蘋花
落日照野棠

楊門七子振騷壇中有禺山張含步建安想見聯吟狂客醉科頭

傳粉對邯鄲

升庵成漢七子
唱酬張含爲最

鳥鳴得意不離樹客到無言祇看花側簷雪句此是禪宗真妙悟不

煩蔬筍洗鉛華

古筆琤琮王檢討王疇五新詞清麗段曹郎段浴兩雄旗鼓原

相敵師荔屏范尤擅勝場

鐵版銅琶韞韞聲髯翁才氣劇縱橫樓頭一百八十字黃鶴閣

題萬古名孫髯翁昆明布衣有滇池大觀樓長句楹聯遠近傳誦

文章氣節數張月槎錢南園一代宗風足比肩偽體別裁追大

雅刀圭那肯逐時賢博南園侍御曾劾和珅召試鴻

太白詩成筆最靈象牀銀管隱香屏閨中李杜求同調只有當

年錢浣青閩秀李蘭真含章晉甯人歸安葉聞訢方伯室有咏

入詩話推為

一代之冠
募練丁

惡木豈無蔭久倚刺裳衣惡少豈無力久用多是非昨夜府帖

來兵少急召募應募亦何多荷戈沓來赴計口授之糧所期戰

與戍明知游手徒反用善言論軍書抵死摧那得日夕駐繕具
偶不全誅求及細故明旦戒啟行行日已昃五里一徘徊十
里一偃息暮宿佔村居捷足爭先得欺人肆大言爲爾去殺賊
爾命我全之據坐呼餐食酒漿先前羅雞豚孰敢匿苟其吝不
與老拳咄相逼前舍煮香稻後舍剉生芻瀕發換徒馬執役同
奚奴枵腹遠走送困苦不得呼但願壯士去一勝清荏苒東家
有少婦西隣有小姑鰥鰥懼強暴走避泣路隅見人不敢訴相
對鼓隴胡

宰馬行

始溟城被圍乏糧貧家宰馬就售雖貶價無應之者圍
愈久諸貨湧貴犬豕肉皆盡屠人宰馬貨其肉皆得厚
值一鷄馬可售數十金馬價反倍常時

鴟鵂夜叫烏啄屋癭狗之狂吠相逐城中畏賊盡瑟縮十萬饑
腸轉車轂瓶罍無米益無菽那有生芻飽馬腹有馬云是騏驎
族牽向豪家換囊粟途窮身價自貶辱昂首無人一寓目駑駘
在殿尾半禿屠門忽作奇貨鬻磨刀霍霍血出漉懸市頓償麥
十斛生馬黃金誰肯贖不如死馬一轡肉主人得錢走躑躅且
救餘生備盞粥汝馬報主死亦足不願敝帷葬林麓君不見流
民轉徙填溝瀆白骨茫茫鬼夜哭

繹夫行

貂纓皂帽何官吏謹索繹夫怒攘臂黃昏縣帖催捉人鳩形鵠
面多疲民十十五聽徵調不挽高輶挽大轎前山復後山山
上幾重關石齒嶙峋齧艱屨忍飢邪許腰環環白日西沈驛過
半不許夫歸急羈絆明朝驅爾復向前馬箠亂下無人憐

牛竇

竇者會也猶保甲會云爾田家重牛恐牛被盜而結此竇也先樹高竿於邨口爲標識凡有行竊被獲者戶徵束薪堆積如山縛置其上而脅令竊者之親屬舉火焚之不首官也

牛竇夫何如習俗近暴橫約法聯諸邨不奉官府令巍殺五丈竿標插一何勁立意懲鼠偷草菅視人命偶遇不肖徒面縛罪其證微雖瓜李嫌乞哀百不應按戶徵束薪薪積堆在徑誰欺引之燃他手不敢倩脅彼骨肉親此事子爲政一炬殞其軀骸骨草間剩亦有逞睚眦誣陷等機阱此非人所爲母乃牛之性厥法貴準情入甕君其請

阿芙蓉

西洋製鴉片流毒及八埏黃金易糞土漏卮何由填嗚呼
先皇帝革弊謀萬全赫然奮撻伐奸賈誰敢前廷臣忌投鼠勦
拒議不堅根株久莫拔滋蔓歷歲年然此出夷艘遠鬻或未使
而何阿芙蓉種植徧全滇紅白映山麓高下茂原田收漿雜沙
土細火銅鑄煎婦孺盡嗜此視若饔飧然爭利入訟牘罔知厲
禁懸比戶耽偃臥生計從此捐瀕俗苦匱乏嫺惰職有緣我聞
美利溥衣食民之天何滇問織作十室無一塵抱布僅越甸買
絲資蜀川餘粟縱自恃號寒常聳肩種此腐腸物嗜痴怙不悛
古有拔茶政利害實兼權敢告賢牧伯芟薙須勇旃其上植桑
柘其下種木棉

聞蟋蟀鳴

竟作不平鳴墻根草亂生秋聲何太厲蟲膽爲誰傾夜雨王孫

夢殘燈嬾婦情健兒能鬪力物色在襟荆

負薪女

羊皮裁作襦負戴尙能趨不信城中女春游須婢扶

竹火籠

北風妃呼稀寒聲激萬竅家羔酒歡煖館客飛召障風金鵝
屏禦雪颺鼠帽博山綿炷焚簫局烏薪燎豈知處士家消寒有
別調織竹圓如筐環作象鼻拗巾安老瓦盆仰孟上無罩覆以
豆稽灰星星火微爆歲寒松柏心言結君子好日夕蒙提攜熱
腸矢相報

重感回事

雜處華戎慣無端構釁長同舟成敵國戰地起蕭牆忌器難拔
鼠開門竟揖狼河山愁舉目零落碧雞坊

市虎參疑信軍烽已在郊孤城真死守此輩太咆哮嘻出翔妖

鳥汪洋助老蛟

時大雨連旬水陡漲東收民居淹倒不少

淒淒九十日爨火斷廚庖

盧杞嗤藍面樊崇號赤眉俳優汝伎倆塗抹等兒嬉豕突乘簞

夜蠡屯伺路歧火攻無奈雨天不憫瘡痍

哀鴻無定居寂寞見邨墟失父零丁帖徵兵旁午書艱難覓錐

地朽腐括倉儲月黑尸羅泣啾啾子夜餘

開府全軍寄如何忽自裁

恒宜亭制軍春悲憤自盡

大星一夜落

明詔九重來遂遣巫陽問空餘杜宇哀苗民終逆命剿撫費長

才

諸道援兵進紛紛孰主謀頗聞拔戟勇不乏濫竽羞孤注非長

策屯糧要熟籌葉榆遺孽橫且莫撤防秋

反側頻年告恩威貴得中似聞諸父老流涕說文忠

謂林制軍但有

攻心術能教革面同峴碑留盛德誰繼大儒風

斗大扶邪地清時客眇過忽成東道主忙煞北山羅犒士餽羊

竭輪糧瘦馬馱興公尙年少腸斷國殤歌羅次典史係君所帶勇赴省救援殉難死

自題踏葉尋詩圖

莫言作吏暇手勘文書畫兼夜莫言作吏忙花前酌酒容我狂

主人能飲不能畫翦取煙綃素壁掛主人愛畫尤愛詩聯吟可

惜無故知秋山繞郭秋林豔丹楓黃竹青松枝俗客不到廢迎

謁出城飽看千蛾眉鈴聲琅琅振空谷瘦馬正合粗官騎馬頭

覓句馬背咏一字未就行逶迤山童驚訝溪女笑使君母乃真

書癡

放言

鴻鵠在天壤渺小猶一毛順風忽振起置身千仞高達哉劉文

叔從容語臣僚馬武乃亭長鄧禹合功曹人生類攀附何者爲
勲勞纖兒不解事美蔭聯華鏹自謂氣蓋世眼欲無窮交二豪
是何物我醉方陶陶

堂堂諸葛公智慮何深沈滇南首開闢攻敵先攻心成算在反
掌七縱而七擒南人從此讐受賜民到今奇功古僅有後代誰
敢任玩兵法所戒縱敵憂自尋小吏持其短三尺倏見臨千古
魚水契重懷梁父吟

詩人好大言聽者輒滋惑杜陵昔貧居茅屋浣溪側風吹茅度
江忽被邨童得菱菱值幾何追呼詈盜賊歸作非非想廣廈徧
覆翼居然豪俠流萬鍾無德色讀罷一蹶然跂腳臥牕北

郊外

穹廬天四蓋山色鎖圍屏野戍蠻煙白秋墳鬼雨青數家聯水

筓一笠出茶亭
籌密嵯深處風吹虎豹腥

沐氏勲莊歌

明洪武中命潁川侯傅有德西平侯沐英平雲南英世
鎮其地封沐國公賜勲莊崇禎十六年沙定洲襲破沐
府天波出走後隨永明入緬尋遇害 國朝順治十六
年吳三桂受總管命鎮雲南上疏乞沐氏舊莊自委管
莊經理與知縣分庭抗禮頗爲民害三桂敗勲莊變價
歸民在羅次者附三鄉爲三尾甲

濠泗真人劉季伍羣雄効命皆如虎鞭撻猺夷滇水南曰沐將
軍最英武將軍束髮早從戎授鉞專征拜上公金馬縹雞開絕
域丹書鐵券報殊功便蕃寵賚旅弓矢邑供湯沐城連雉宋玉
邀恩雲夢田李晟賜第永崇里園官橘柚萬株封廩吏芻茭干

頃峙青紫貂蟬十四傳食租衣稅功非侈歎息長安蟻賊狂五
王龍種渡江忙援兵不見馳飛檄蠻地俄驚構戰場豺虎在門
誰揖進蛟龍失水太倉皇可憐故國連腔地竟乞雄藩異姓王
藩王曾拜平西爵吳宮花草頻開落八千子弟護金鏞十萬良
田連水郭從此魚鹽擅富強廣羅金帛資揮霍陌上衣香走鈿
轅別開綺閣貯嬋媛青山環繞近華浦綠水滌洞安阜園三桂所築
咄嗟豆粥官廚進饌玉炊珠不稍吝米敕松田選細腰罍傾竹
葉浮香醞繡鞍小吏索租庸錦袖豪奴催餉餽酒漿佩璫困鞭
笞那顧窮氓暑雨咨其詈尉佗專帝制忽驚吳淞弄潢池明年
妖鳥衡陽死雛孫自飲荆軻匕一代奸雄付雪山六軍縞素存
詩史老瞞疑塚夕頻遷庭聞錄載世璠于滇城未破先徙三桂柩瘞他處香伎空教望
墓田麥飯誰澆寒食雨平蕪漸沒故墟煙銅山金穴收官籍犁

平郡塢成阡陌

天子深愁民力疲動莊竟許農家獲豚蹄歲暮祝盈篝藁載公
堂輸稅額歸來露積喜穰穰不畏催租吏到鄉缶酒歌呼桑柘
下閒邀隣叟話興亡

陳伍樵同年患足疾謂不利在宅居金朗山同年精於醫
作詩相詰難余性好酒而素不信地師與醫家言因作
此篇柬伍樵兼示朗山

賤子頗愛酒劉伶洵吾師吾師之言大自在指天地爲幕席兮
等須臾於萬期土木形骸偶遊戲不知四大之內有何神主持
造化小兒縱狡獪技窮束手無所施陳髯忽病足有如叟支離
自言善相宅吉凶恐有司金君乃大噱謂何術數是信舍良醫
刀圭藥石有真用內達脾俞外及膚與肌嗟余不識靈樞素問

經幾卷其中歟卻頗能知君宦滇南遭此疾卽爲君喻滇中夷
其初蠻觸之爭不過癖疥疵血脈忽脹僨糜爛及四肢攻達兩
不可惟有和解之古來和戎有至理期扶元氣蘇瘡瘍噓軀果
能起跛躄一紙之書勝於十萬師萬物導和莫酒若以治君病
良亦宜營衛流通筋骨健何必搜求苓朮及艾蘄况君善言易
揲蓍布卦審耦奇困言酒食損用享扶病痛飲理不疑君不見
新安折臂翁又不聞塞上折髀兒天畱缺陷反是福矧此蹢躅
之病尤易治孔璋檄文愈頭風請君連浮大白誦我詩一觥兩
觥不辭醉巨躍曲踊不慮疲夜半起舞疾若失明朝見客不用
杖一枝

星回節弔慈善夫人

夫人爲鄧睽詔妃時南詔強欲併五詔以六月二十四

日星回節祀祖徵五詔至夫人勸鄧睽勿行不聽以鐵
釧束其臂而去南詔醉五詔於松明樓縱火焚死屍積
莫辨惟夫人以鐵釧得夫屍歸葬旋亦赴火死國人哀
之歲以星回節然炬弔之

鷓鴣啼上德源城如聽麗玉箏篴聲聲勸君行不得君行不
止傷妾情松明樓上夜祀祖南詔如虎五詔鼠酒酌三巡楚炬
焚爛額焦頭柰何許明朝收骨泣星妃碧血模糊臘焦土去時
幸繫臂支符頑鐵不鎔好覓取蒼山峩峩洱海深援琴動操抒
哀吟息媯那甘事讐敵鄧曼恨不回王心登臺履薪殉同穴巾
幘頗覺鬚眉森星回歲弔芳躅髣髴魂歸月獨漉女蘿山鬼
慘不怕萬籟無聲杜鵑哭山頭燎火山下紅照見妾心若炳燭
妾心戀君死不灰散作飛燐滿空谷

蝙蝠謠

蝙蝠爾何物翻飛下庭隅吾怪汝鵲不鵲烏不烏貉非貉狐非狐四足復雙翅天公私汝與眾殊麟鳳見之驚且愕毛蟲羽蟲無此徒檐宇依倚忘遠圖虞人不屑施羅罟何爲夜飛晝伏相支吾汝今羽翼雖長成前身鼠竊尙憶無慎莫飛來嚇鵪雛

射虎篇

壯士射虎羞射彪紅翎白鏃風颼颼一呼卻走千貔貅昨游狹斜過城市胯下羣兒盡朱紫珥貂不足續狗尾歸來大笑語酒徒十千一擲沽玉壺醉眠尙枕金僕姑

暮秋

寒意滿天際城頭暮鼓撾雲陰淒落日風色逼歸鴉牆角蕉先槁山南豆已芽荒齋無舊雨吟嘯是生涯

菊花

碎葉疎枝石筍連涼階霜落影娟娟瘦來似我真成傲澹到無
言欲悟禪送酒客遲殘照外捲簾人怯晚風前倘將廡下方籬
下避世墻東不計年

蕭疎落葉打回廊老圃風傳隱隱香名士從來矜晚節人生看
得幾重陽眾花開盡真無侶此鬢經秋亦傲霜慘綠叢中齊著
眼丰神誰識杜黃裳

三姑井

在新興州元末紅巾賊之亂有姑嫂二人不辱被殺血流成井深不踰尺大旱不竭可瘳目疾三姑

姓氏無可考

哀音髣髴響銅瓶一勺清泉尚乞靈樂府空吟三婦豔墓門誰
補七姬銘土中恨血應成碧石畔貞柯不改青歎息南朝畱辱
井臙脂零落惜娉婷

思婦篇

睡鳴沈沈綿炷緩妾思如簀望君暖紅桂花落心之愁銀釭銜
壁一蛩伴郎衣料理黃竹箱平揜翠袖皓腕涼沈香熨斗金粟
尺感此不寐秋夜長簾外銀河捲湘素月浪煎愁泣寒兔天雞
瑟縮嬾報更影娥回光復西駐停辛伫苦獨不見起坐再三拂
琴薦彈出竹竿魚尾吟之子不來誰嗣音

再咏菊花

秋光老去鬪繁華插帽歸來壓鬢斜露井蟬嘶空噤痒霜天蟹
熟想爬沙相逢一笑溫前約此後重開有幾花絕憶范邨三十
六冷香吹徧石湖家

桂花零落蟀猶鳴招隱詩成憶舊盟那肯出山隨小草須知高
會盡耆英與松同種寒能耐和露摘來香更清寄語後園泊游

子莫從枝葉問孃名

幽州馬客詞男女共燕游黃花開後園粵歌云黃菊花開九月九枝枝葉葉有孃名

細雨簷花愁復愁燈前置酒邀拍浮素心能來永今夕老氣頗
覺橫九州窗外不知梧竹槁夢中忽憶柴桑游凌風解作垂手
舞豔煞當筵菊部頭

明楊文襄

一清

一代勲名訪故家明珠薏苡莫輕嗟鐵肝望重關中草
升公所上奏疏
名銅面光寒塞上花肯縱刑餘禍東冶卽看詩筆走西涯立朝
尙在洪宣際應共三楊託後車

明楊文憲

慎

西風吹淚泰陵園破帽疲驢別國門濮禮莫宗君實議湘纍誰
弔左徒冤紅樓寫韻千花豔白社聯吟七子尊補朋息鯨鳴咽
語篋書重讀爲招魂

明沐忠節

天波

隻手空揮朱亥椎江邊呪水竟何爲國殤無地招遼鶴家難當年泣楚騅身不肯降甘絕域局終此劫覆殘棋可憐金井庵前路芳草紅心長卷旄

金井庵天波母死節處

挽廣西學使同年沈文節公

丁巳年按試梧州殉難

滿地黃巾永息戈

詔宣星使去鑾坡百僚動色青門餞五嶺從容絳節過刀劒隨

身同筆硯

公赴任時密購雙刀置牀頭日加拂拭其誓死之念堅矣

文章報國指山河牙旗

玉帳誰專閫翻遣詞臣仗義多

眼見危城力不支鋒車日暮向前馳始知慷慨捐軀節早在飛

揚叱馭時

公出巡在半途聞梧城被圍甚急有勸阻者公毅然

素重公不爲作囑其黨防衛甚密不得死公絕食誓死詞氣慷慨賊黨皆爲泣下公因乘機誘使反正謀內應事幾諧矣賊覺

小寇奄詩年卷二

舌

之故遇害甚酷云狂寇驚呼真鐵漢諸生慟失大宗師天涯傲骨煩相憶公在粵間余改官語入日吳某心細而仁作宰頗可推傲骨依然恐不能爲五斗米折腰

無蟹歎

賤子生浙西蹤跡狎湖海持螯快拍浮不顧俗眼駭卽今捧檄游狂性未云改不愁州有監但苦食無蟹此物性喜寒霜落味可采溟土氣溫和難就漁戶買晨市偶見之居奇價三倍小僅等蟛蜞悞食又防悔去夏來羅陽山多石磊磊沙頭斷魚蝦空盼日逢亥尖團一例無酒不澆磊磊新詩換難成門人議應罷惟看蟹眼生折腳茶鐺矮

戊午順天鄉試事發感賦

鎖院掄才典最崇諸君袞袞太和同豈容關節通包老可笑冬

烘誤魯公十手難遮天下眼一鳴今見直臣風不栽桃李栽荆棘謀國謀身總未工

赤字巖

嶧縣城西十里通濟橋旁明總兵鄧子龍征野寇至此斬賊首血書巖震遐方四大字至今赤色

新刊

將軍手握大食刀夜半殺賊賊莫逃刀光純白血光赤桃花浪浴下頃濤逐北歸來驕騎駛鯨鯢腥沫猶在袍健兒歡呼軍吏賀將軍戰績光龍韜衛帳秋懸置宵譙蒼天不動星斗高蒼生勒銘太文怯墨磨盾鼻非雄豪將軍掀髯起題石裂瓊濡血恣揮毫丹書大字代顰鼓猩紅疑是鷓鴣膏陰風慘澹吹黃蒿髑髏聚泣鬼母號纍長裸酋咋舌走天威所懾兵勿勞馬援銅柱其不朽平蠻永使彤弓橐

刀將軍歌

弔元元江路總管刀代也代勇驚過人部夷畏服時洞
蛟爲患代挾利劍入洞頃之水盡赤代與蛟俱死蛟患
息沿河始得耕種民感其德祀以中牢

孝侯不作子羽死老蛟橫行不可止誰何健者刀將軍瞋目大
呼躍入水水底惟聞格鬥聲刀光水光難逼視薛孤延與霹靂
戰有此膽畧無此技怒湍陡立百尺高血沫濺濺浪花紫鯨喙
鼇擲天宇昏敗甲殘鱗被沙背將軍力盡蛟亦僵從此河田豐
稔矣能捍大患則祀之伐鼓傳芭祠廟起風雨不忒旱潦無總
賴將軍衛鄉里三百毒龍膽盡寒飈鼠區區敢過此

訪蛻園故址

倪蛻字蛻翁江蘇華亭布衣雍正中流寓滇南築蛻園
昔聞劉蛻埋文塚今見倪迂贍故居才子無官成落拓清時有

味是樵漁夢游應化華亭鶴宅相能成大史書魏翁無子以壻某承其姓後人

有舉賢書者

我亦經年歎飄泊江南煙水憶何如

偶得永厯大錢紀以一律

肉好分明徑寸形憑談往事史猶青五銖莫望興炎祚完璧何

人返趙庭運去金蟬空有寺吳三桂後永明以弓絃絞死于金蟬寺天亡石馬已

無靈最憐蠻地廊餐廢抱璽公然付發硨永明在緬甸馬吉翔奏有大臣三日不舉

火者王怒擲璽於地吉翔等竟璽以散各臣

李定國

牛角江山一夕休提戈壯士出關愁中興豈有歸亡命逆水猶

思拯覆舟李勣少年曾作賊田橫抵死不臣劉晉王永明封痛

哭秦王孫可望笑羞殺人間負義侯